

翠娛閣評選鍾伯敬先生合集

翠娛閣評定鍾伯敬先生全集目次

卷之三

五言律一

懸軍

贈熊生

春日課僮編籬訖成句

哭魏太易

二首

三月三日雨中登雨花臺

烏龍潭吳太學林亭

五月三日秦淮卽事 二首

早夏集米仲詔園

西山 三首

喜林茂之至燕 二首

集淨業寺水次再過十方庵看荷花因宿其

中 二首

夜歸聯句

八月初二夜雨

補七月二十七日生日詩

八月初六夜小集聯句

白衣庵水閣

微雨

送韓孟郁孝廉還嶺南

送茂之南歸

二首

庚戌除夕

玉泉謁關祠

夷陵道中

巴東道中示弟恮

二首

鍾伯敬全集

卷三

目二

暫齋

月

次巴縣傅仲綸年丈招飲江樓賦贈

十五夜月

哭雷何思先生十首

并序

松滋泊風

懷譚友夏時在金陵昨夜夢寄伊書談使事

及詩兼徵其近作

吳彥先自金陵過訪兼致諸友人書感賦

新涼東彥先

二首

寄吳康虞

寄胡昌昱元振

寒月同友夏叔靜作

佛燈

初陰

讀林茂之所藏陳白雲五言律七百首追贈
之燕留別茂之時孟和偕予往茂之南歸

二首

新樂始雪

雪夜同孟和作

慶都早發望晴雪

雪後保定飲同年夏正甫司理

十七夜到京看月所寓因題其軒曰飢月

題孟和蘭石畫扇贈魏士爲年丈

喜吳伯霖至兼逢馮宗之

春日集韋氏郊園

二首

別孟和從仲良之吳門

飢月軒後竹

寄友夏書 二首

代愛妾換馬

入舟同姚君佐

泊路河九月二十四日逢立冬示君佐

舟曉

舟晚

欲泊

泊天津

天津早發

舟雨

雨泊

二首

舟雪

舟月

靜海縣

見月得起句因而成篇

畫泊

風止

滄州發夕

暖

德州戲題

夜

十月十六夜

有所示

深夜舟進

月暖

將之青州由東昌登陸呈馮羽明年丈

經聊城魯連射書處

金嶺驛與王帶如年丈夜談

沂水道中風

沂州王右軍故宅今爲普照寺有洗研池

彭城入舟後候淺

三首

過淺

舟泊雲龍山下

彭城開舡

舟至呂梁洪

經下邳圯上受書處

有序

射陽湖

入江

登金山同君佐

郭景純墓

北固夜歸

至金陵過林茂之宅

雪集茂之館

過胡彭舉

立春日同商孟和第居易集于丘茂之宅

除夕守歲子丘茂之宅時子丘與孟和居易
至自吳門

元日集鷄鳴寺塔下亭

攝山道中

白鹿泉

疊浪巖尋繖山和尚不值遂登山頂

天開巖

攝山頂

贈凡公

贈蒼巖老僧

攝山歸過靈谷

舟發金陵留別諸友

須濡口阻茂之別

二首

賦得不貪夜識金銀氣

途中新月

紅葉

夜觀蒙惠二泉

羣山萬壑赴荆門

贈劉玄度孝廉爲雷太史同年好友

磁州雨

選蔡敬夫詩訖寄示三律

丙辰初春寄張金銘

一首

十二月十九日雪是立春次日

二首

秋夜與茂之閒坐

贈陳荆生

泊

風阻蔡村念吳康虞候于前路

泊流河驛

九月十一日喜康虞人舟

自仙人橋觀于捨身崖

岱歸後示泰安守侯君

十一月初二日雨

十一月晦夜初雪過潘稚恭江閣

正月初二日大雪同王永啓林茂之集雨花

臺

靈谷寺看梅

看梅送何玉長入楚

有引

長生館詩

十月十三夜步月

十月二十日往花山雨宿途中

二首

寓白門寄朱叔熙比部

夜過胡彭舉

范漫翁復自東郊移至城居故處

二首

臘月二十三日伯倫招集木末亭

除夕喜雪

元日雪過康虞彭舉茂之不值

雨後靈谷看梅花

二月二十四日雪後沈宗伯招集高座寺

夏梅

秋海棠

喜鄒彥吉先生至白門

三首并序

送商孟和秋試後歸閩

杪秋宿牛首次日歷祖堂獻花巖

二首

早冬遊攝山

二首

臘月十五葛震甫要集齊王孫山居

春事

仲春程仲秩要汎赤石磯

雨中東茂之病

問茂之病

又代秦淮五日賦得投詩贈汨羅

在白門喜譚友夏至相見有詩感答其意

出通濟門訪郭聖僕與友夏同往

過王永啓小閣同友夏時永啓病後

和友夏拜客觸暑就茂之舍休焉忽伯敬亦

至之作

月夜王太古要汎秦淮同友夏

送五弟快還楚迎家尊赴吳中教職

歸舟月上

送王永啓歸省兼示董崇相

沈雨若自常熟過訪九月七日要集敝止有

虞山看紅葉之約

至毘陵訪鄒臣虎年丈

鍾伯敬全集

卷三

贈鄒太公臣虎尊人

譚友夏自越歸晤別于錫山

訪王德操居士

汎吳興碧浪湖夾山草蕩漾

三首

舟泊吳江步尋周安期安仁

費東訪尹惺麓先生

三首

弇園憶贈王元美先生

四首

贈徐元晦

題畫蘭

贈程彥之

過文文起孝廉葑圃賦贈

虎丘贈別徐元歎

毘陵雪夜別茂之還金陵

翠娛閣評定鍾伯敬先生全集卷

錢塘陸雲龍兩侯遊評定

陸敏樹生叅閱

五言律一

○○懸軍

役中國以徇
小國勞王師
以示恩威詔
有諷刺

聞○道○邢○司○馬○懸○軍○駐○島○夷○聖○人○寬○外○懼○小○國○望○王○師○
休○戚○關○何○事○恩○威○在○此○時○爾○邦○全○仗○漢○供○億○莫○言○疲○

○○贈熊生

家○破○猶○存○舌○身○餘○幾○剝○膚○解○驂○慚○越○石○彈○雀○慎○隋○珠○

工雅

疊字有情致

鍾伯敬全集卷八
鴻豈能因熱鳥。今且集枯。少年多畏路。就宿好躊躇。

○ ○ 春日課僮編籬訖成句

事到山中減。春偏雨後濃。縛柴成虎落。澆竹汰龍鍾。
新旭山山意。遙烟岸岸容。植援功不細。減米餉諸傭。

○ 哭魏太易

降謫矜同籍。孤虛怨共辰。不然予哭子。豈合爾殲身。
後事煩知己。高文揀替人。志成焚告女。商校夢中親。
太易與余同生卒之年
余喪長男肆夏歲也

○ 又

可以歸人

爾以先知我。文能取稱情。素交言懇痛。才鬼鑒分明。
世所悲奇數。君翻就盛名。太易罷諸生後作六等墓
吟二十章人艷慕之
辭心已許鄭。重敢寒盟。

○○又

卓識驅先入。新裁監舊聞。如君寧得老。而我孰爲羣。
心○億○神○辭○太○才○多○鬼○欲○分○終○當○尊○治○命○墓○道○署○遺○文○

君自題墓日明
遺文魏長公碑

○○三月三日雨中登雨花臺

今年當上巳。記集寇家亭。今昔分陰霽。悲歡異醉醒。

鍾伯敬全集

卷三

二

妙

可想幽深

入書

水步奇

可憐三月草未了六朝青花作殘春雨春歸不肯停

○○○烏龍潭吳太學林亭

城午亭先晚園春水欲秋蜂狂花約束鶯過柳遮留

雲氣能香石湖陰半壓舟良辰多不鑰閒殺此林丘

○○○五月三日秦淮卽事

踊貴絲兼肉爭先步與輪半簾虧蔽面一舫忒來身

密葦驚翹袖飛花到葛巾含情相目處橋外閣中人

○○○又

嵐減峯文細潮生水步鬆薄陰停障面新暑試輕容

詩字能字妙
有情致

舊

烟閣晴皆綺。山船晚似縫。火城波上下。犀渚影重重。

○ ○ 早夏集米仲詔園

閩肯當三月。遊能共幾人。盆山青欲暮。池草碧逾春。
入戶翻成野。穿林似有津。歸來逢我友。半日慶閒身。

○ 西山三首

同馬仲良
湯太執

往往聞名勝。遊踪到始知。茲焉隨覽涉。著處得幽奇。
花鳥春難晚。林泉夏每遲。最憐纔出郭。曲曲見淪漪。

○ 又

屢有看山約。臨時半畱。大都隨意往。翻得盡情遊。

曲折無三里。層深已數丘。石苔非一致。潭水各能幽。

○ 又

過橋微徑暝。稍不辨峰文。月散將殘雪。烟迎欲墮雲。洞巖窺氣候。冰水悟聲聞。喧寂皆何往。空山方夜分。

○ 喜林茂之至燕

白門還故山。無意入燕關。以我對難必。况君來更艱。偶然今夕話。是否別時顏。客計兼歸緒。于焉且暫刪。

○ 又

相違曾幾月。心口欲千端。見爾遊能遠。知今病稍闌。

喜開朋舊劄。兼悉母兄安。問答尋常事。翻同意外看。
○ 集淨業寺水次再過十方菴看荷花因宿其中

韓求仲招

如此匆匆際。禪棲肯再來。曾無三日隔。又見數花開。
童負桃笙至。僧籠菜甲回。出門拚一宿。無復候人催。

○ 又

每憶經行處。重遊勝昔遊。往來能漸熟。耳目自多幽。
水氣窮昏旦。林聲閱夏秋。晚花不無意。客散獨相畱。

○ 夜歸聯句

落月下山徑。草堂人未歸。

林古

砌蟲泣涼露。籬犬吠

殘輝。

惺

霜靜戶逾皎。

烟生墟更微。

度古

入秋知幾日。鄰

杵數聲稀。

惺

○ 八月初二夜雨

示金銘茂之

茲宵非月夕。卽雨亦何妨。但覺秋聲劇。能令遊子傷。衣裳蟬背葉。書信鴈頭霜。共作長安客。東西各故鄉。

○ 補七月二十七日生日詩

憶前初度日。含意不能題。入耳歡相勉。驚心感自悽。聞人怨弧矢。宦子倦輪蹄。媿殺陶居士。茲辰返故棲。

元稹詩有陶公三十七結
移山都言句元時亦三十七

○○八月初六夜小集聯句

睡起理成夢張慎言須臾故國身好秋難作客惺新月

易辭人慎露咽蛩聲斷韓上天低鴈影清惺空將無

奈意砧急任西鄰古

○○白衣菴水閣同茂之金銘

入燕欣見水况復是城中鴈帶他村日蘋生別苑風

暝兼沙草碧秋借渚花紅肯待空潭月移時已在東

○○微雨

定欲重陽雨方成此歲秋雖疎終助冷非久亦生愁
出戶纔能見經枝似不畱少焉如昨夜片月已牆頭

○ 送韓孟郁孝廉還嶺南

送客歲將盡別情能勿窮題詩何所道對語不堪終
嶺樹冬難雪河橋晚易風同來君最久亦已返山中

○ 送茂之南歸

不謂還家決題詩送子遲言歸雖累日賦別必臨期
明夜成今昨他鄉屢合離遇思初去後當似未來時

○ 又

客程容易改。遲日意何如。無那親相待。兼之歲聿除。朋尊湏夜半。子舍客春初。欲寄南中訊。含情畏作書。

○ 庚戌除夕

除歲他鄉夕。今年屈指三。關心存與沒。閱俗北兼南。燈火看相似。杯盤對不堪。自憐踈野骨。此日候朝參。

○ 玉泉謁關祠

義勇歸何處。凄然向此中。始知真佛子。卽是大英雄。丘壑延神理。機鋒豁怨衷。厭聞懷古者。祠下說孤忠。

○ 夷陵道中

閑字妙

金仙集卷八
曾聞巴蜀道。至此稍稱夷。茲路險如此。前途難可知。
巖巒當雨閉。水木到秋悲。況值懷諸感。州西扣策時。
時哭雷何思先生

○巴東道中示弟恡二首

山中未必雨。雲起已生愁。峽窄天多暮。江高地易秋。
連朝皆陟嶽。茲路獨臨流。欲盡瞿唐勝。歸途定覓舟。

○又

一帶高深處。明朝次第行。且從人指點。未必客心驚。
此去皆山水。同遊況弟兄。爲誰忘遠道。所賴共幽情。

境色真

幽新

○ ○ 暫霽

重陽無不雨。況作蜀山行。已歷諸峯險。剛逢半日晴。
峽寒偏著色。江晚自多聲。雖復終陰曠。心魂亦暫清。
○ ○ 月

蜀月清如此。誠宜數見難。尋常秋易沒。十六夜初看。
岸迥銜江淺。山紆出峽殘。今宵同宿處。記取在雲安。
○ 次巴縣傅仲綸年丈招飲江樓賦贈

縱無樓可上。此地已高寒。夜爲今宵永。秋憐數日殘。
淹留隨處有。簡易故人難。漸喜成都近。王程亦暫寬。

○十五夜月

峽夜何曾月。巴東偶爾圓。向來經驛路。那似宿江天。
霜落寒流外。烟生遠映邊。清宵亦何意。獨值未歸前。

○哭雷何思先生十首

并序

鍾子以先生卒之第三日入蜀。道夷陵。欲爲
位哭焉。不能。且不忍。至自蜀。始書千五百餘
言以告先生所可讀也。言之長也。乃復爲五
言韻語十章。使讀者易終。聽者不倦。付其家
嗣。仍語曰。鬼不必時至家。必時時誦之。或令

侍子知書。嘗司筆研者。誦於所嘗遊息處。以逢其至。鍾子歸。亦且爲位祀先生。朝夕誦此招之。記曰。其神氣則無不之也。無不之也。是以誦於家。以冀先生之一至焉。

人言師與友。吾直惜其人。世事有今日。我生何不辰。他時思柱石。後進失陶甄。豈意登堂約。翻成築室身。

○ 又

于役亦王事。迂途意爲誰。茲來覺無謂。獨反欲安之。曠士友爲命。奇人世所司。感恩知已外。別自有吾私。

○ 又

斯人天遽奪。似欲重羣疑。弟敢稱師美。人其謂我私。十年官幾日。半面友同悲。朝野思如此。平生品可知。

○ 又

忽忽悠悠體。惓惓亟亟心。攢眉別有念。抱膝豈徒吟。局外觀之審。間中得者深。感知忘自量。還欲效砭鍼。

○ 又

必有真豪傑。斯無僞聖賢。

二句櫟括先生語

茲言猶在耳。自

待豈徒然。膽識曾相證。機鋒果孰圓。會當須見定。密

坐義重宜。

先生曾問予膽識二字孰先予對曰膽到處亦能生識先生曰恐當是識到處方能

生膽予曰初無先後但到處自能相生耳先生思之良久首肯

○ 又

側聽平時語恒稱趙大洲及予窺逆作似不異源流各負匡時氣同懷出世謀惜哉殊秀實易地道相侔

○ 又

乘化忽焉太遺書不一存分香非所屑易簣可無言忍遽隔生死時猶共笑喧往還三月路半信始招魂

○ 又

每於偶爾處言下察其微一往多寒色將無近殺機
○ 眞人皆氣骨道韻豈脂韋
○ 詮數尋常語難叅意外幾
○ 又

惺也燕中病諄諄寄子聲有書言後事無字及私情
豈若盡忘語尤爲眞達生聞茲應問我來去孰分明
○ 又

早知八月至猶是暫周旋子獨靳三日人皆忝百年
半生興盡矣一晤數存焉始悟長松下微言不偶然

庚戌六月先生坐報國松下與
二三十子譚有爲之教出世之后

月落松滋以
虛假相對
虛字妙而何
敵

○松滋泊風

舟經諸峽盡。水宿四旬終。葉落千村月。松滋一夜風。
寒江從此濶。冬野自能空。憶昨頻經險。何如滯此中。
○懷譚友夏時在金陵昨夜夢寄伊書談使事及

詩兼徵其近作

寄書與對面。已自不相同。况以數行許。託之殘夢中。
新文知各異。密意或能通。別緒兼遊蹟。諄諄語未終。
○吳彥先自金陵過訪兼致諸友人書感賦

索居敢厭客。况有故人臨。檐鵲非無識。江魚果致音。

清華衣履氣淳古鼎彝心各道經時事關情自淺深
○新涼東彥先

氣變中宵後秋驚二日餘新涼聊取適殘暑不遑除
雲澹河逾淺風輕木未疎問君視前夕旅况較如何
○○又

秋亦非無暑涼從此漸生天清何必夜林靜偶然聲
好雨能先月輕寒不礙晴共茲流火夕誰動授衣情

○寄吳康虞

舊識南中半公還自古人意於林壑近詩取性情真

讀之令人毛
骨清冷

譚子多幽鑑。稱君有遠神。友朋山水理。言下特津津。

○ 寄胡昌昱元振

兩代傳山水。形神各自工。從來真有識。未肯苟爲同。惟不看家譜。方稱有父風。請觀君伯仲。丘壑寫胸中。

○ 寒月同友夏叔靜作

清切山中月。依稀水際看。入霜惟覺澹。過雨自然寒。夕淨來無累。窓深到已殘。添衣須一出。此後對逾難。

○ 佛燈

寒照星星內。能通靜者機。幽明歸一點。情理在餘輝。

所得悲楚

價已定

欲續何曾盡。將殘似有依。此中如悟得。膏火已皆非。

○ 初陰

人冬晴夜夜。薄晦却從今。霜下暮寒半。鴉翻山氣深。
惜哉不能雪。聊復暫爲陰。耳目一燈際。殘更人外音。

○ 讀林茂之所藏陳白雲五言律七百首追贈

翁諱

鼎字雲仲莆田人避亂楚蜀窮死金陵聞人誦其詩輒從傍哭

落落含毫際。皐皐織屨翁。一生窮老裏。五字險夷中。
眇矣置心眼。淵然具化工。似聞君痛哭。屢讀不能終。

○ 之燕留別茂之時孟和偕予往茂之南歸

南北路皆寒之情非一端。同來有聚散。此別最悲歡。
主反先賓去。君今送我難。叮嚀弟與侄。看爾發江干。

○ 又

別家兼別客之北且之南。此後知何似。斯時已不堪。
往歸情正等。辭送事相參。感爾分良友。征途共夜談。
○ ○ 新樂始雪

臘殘才有雪。此事北來稀。氣結原無漸。寒添幸亦微。
土沾行欲動。塵壘不能飛。明歲重過處。公途二麥肥。
○ 雪夜同孟和作

但有字妙
說理却不露
宋人轍轍

屈指王程盡驚心歲事終三冬無日別一雪此宵同
食息思南土衣裘試北風朝行能霽否片月晚寒中

○ 慶都早發望晴雪

親朋曾慮我栗烈薊門行豈意今朝雪先從昨夜晴
半林初日上幾樹白雲生曉看征衣色輕寒亦有情
○ 雪後保定飲同年夏正甫司理

往往經河北奇寒早著人嚴冬行數次今歲似三春
雪罷能爲月宵中欲向晨因君風韻勝池閣亦清真
○ 十七夜到京看月所寓因題其軒曰飭月

不見長安月。那知近二年。卜居惟快此。對影已欣然。
光在更深後。圓當我到先。清寒真可儻。絕勝買隣錢。

○題孟和蘭石畫扇贈魏士爲年丈

片石何其介。叢蘭但有幽。自然能臭味。不復異堅柔。
竝立原無附。相憐不待求。同心誰證取。踈竹數枝秋。
○喜吳伯霖至兼逢馮宗之

伊我南來楚。當君北到燕。幾三年不老。每一見相憐。
理數俱無說。文章合有權。以何酬未足。奇事定須傳。

○春日集韋氏郊園

同吳伯霖方孟旋張紹和
李長蘅商孟和聞子將

城中諸所見。到此已皆非。時至花難後。烟深柳肯稀。
禽魚太無事。水石自爲機。遊興今方起。殘春未可歸。

○ 又

閒時誠不易。抑亦在其人。地有何常主。花非無故春。
琴尊皆勝友。山水況佳辰。物候參差好。重來想更新。
○ 別孟和從仲良之吳門

臨期寬一宿。猶勝卽時行。不覺已明日。居然是遠程。
稍能爲北計。豈至又南征。莫謂官貧好。今朝媿友生。

○ 饒月軒後竹

與

解人會得

僦月還兼竹。深知所取饒。月明無夜夜。竹好得朝朝。
以爾爲朋友。何曾有寂寥。誰能風雨後。聲影共蕭蕭。
○ ○ 寄友夏書

人海歎離索。情子信子。欲聞別來事。難盡卽時書。
手已非心口。言遑及起居。封題送使後。重憶不無疎。

又

作客居家趣。俱從朋友生。知君遠遊念。卽我欲歸情。
空嶽須相待。金陵莫便行。文章山水事。去住不宜輕。
○ ○ ○ 代愛妾換馬

無後思方俠

氣色英快

辭盤

功名仗驥足。志節畧蛾眉。不貴此時意。難於無後思。
疆場方有事。閨閣亦何爲。忍向時平日。明珠買侍兒。
○入舟同姚君佐

昔來冰未泮。今去露初殘。往反非前路。舟車共此寒。
圖書閒處得。侶伴衆中難。一水秋冬色。同君累月看。
○泊潞河九月二十四日逢立冬示君佐

水行亦云逸。野泊乃生愁。北土寒無樹。南人孤似舟。
一身猶共子。九月已非秋。安得移茲日。前途佳處畱。
○○○舟曉

尋常真景人
便未能拈出

側以別正見
極處
無我無法情
際清甚

久泊非無曉。今朝如此天。鴉鳴半樹日。蟲亂一汀烟。
物役踈星後。孤情寒水邊。客舟離故處。不遠亦欣然。

舟晚

九月二十七夜

水天夜無色。所有者蒼蒼。細火沾林露。遙鐘過浦霜。
離秋猶未遠。向晚只微涼。此外還堪著。清寒月一方。

欲泊

所見平平岸。舟移未覺非。汗萊何以別。井竈大都稀。
是物皆冬氣。群情似夕暉。今宵家尚遠。有夢不遑歸。

泊天津

是天津是泊

金、何、荀、全、集、卷、八、
流、向、南、初、豁、舟、將、晚、始、多、魚、鹽、商、異、路、涇、渭、水、分、波、
同、流、異、色、孔、道、行、裝、雜、虛、名、應、接、苛、北、途、車、馬、客、未、
清、濁、如、畫、信、此、洪、河、

○ ○ 天津早發

蠕、蠕、羣、動、起、冉、冉、五、更、窮、去、岸、何、由、記、歸、帆、不、約、同、
舟、行、星、影、下、人、夢、水、聲、中、計、日、從、流、上、朝、朝、仗、順、風、

○ 舟雨

昨、宵、猶、自、霽、今、雨、似、非、宜、積、晦、來、無、候、高、雲、動、未、知、
渚、花、昏、岸、岸、烟、鳥、白、時、時、頗、訝、添、衣、驟、舟、寒、水、所、爲、

○ 雨泊二首

水程元有准。舟雨若爲增。去市猶三里。依村只一燈。屠沽崖戶少。豆麥野人矜。靜海容刀路。經旬到未能。

○ 其二

旣雨兼之晚。舟帆莫適從。閉門烟際寺。篝火水邊春。稻蠟舟人夜。風濤客子冬。暫將鄉思放。動息亦從容。

○ 舟雪

稍厭終宵雨。○ 今辰雪反奇。晚寒聊一變。朝爽遂如斯。洲白沙相似。烟青鳥不知。千帆同此泊。片笠去何之。

癸而真

地似大蘇

實有所見之

○ ○ 舟月 十月初五夜

每旬無不見。每見輒云新。耳目何曾異。形神但覺真。入舟如好友。在水更宜人。別我更初半。孤燈又一身。

○ 靜海縣

此縣已名海。我行將近齊。兩旬三百里。八口一舟棲。積水天同側。晴冬野亦迷。前途正歲暮。霜雪莫淒淒。

○ 見月得起句因而成篇

寒月照歡怨。清川流盛衰。衆形各自取。真宰亦何知。鍾應山摧後。渠成水到時。此中機殼幻。未易使人思。

○ ○ 晝泊

岸曲風難順。沙寒日易昏。樹無黃一葉。雲有白孤村。
酒脯遠趨市。漁樵閒閉門。晴天如有此。雨雪不須論。

○ 風止

如此風猶定。披衣驚所聞。霜村晴一半。烟樹曉平分。
天遠鴈無字。波閒鷗不羣。江湖陰霽事。行此屬紛紜。

○ 滄州發夕

掛帆猶不息。天水去安窮。寒月歸鴉外。生烟閉戶中。
孤情前路惑。羣力此時同。可補經旬泊。其功比快風。

○ ○ 暖

十月十一日

今朝寒似止。昨夜月先明。風省千夫力。舟兼兩日程。地晴生物色。冬暖見人情。但覺同聲處。征帆一路輕。

○ 德州戲題

地曰平原嶺。行愁十日淹。主人出有故。驛路進能兼。庖廩隨前例。魚蔬存小廉。雖云聊復爾。童僕不無沾。

○ 夜

十月十五夜舟已過德州泊柿林作

天寒無不深。不獨夜沈沈。難道潮非水。何因風過林。戲拈生滅候。靜閱寂喧音。到眼沙邊月。幽人忽會心。

十月十六夜

離都三十日。行路未千餘。從此夜難永。如今冬匪初。
韓婆風幸免。是日風楚俗謂之韓婆風楚客水能居。已是還家候。
斯時止得書。

○ 有所示

僅僅知文字。時時自晦沈。全身羣婢口。事主五湖心。
筆扎師子便。箕裘託爾深。霄征安厥命。且莫怨稠衾。
○ 深夜舟進

可以維舟處。舟人不肯安。今宵晴景好。數日上流難。

寸進賢於已。羣心勇亦寬。月明無睡理。乘此盡情看。

○ 月暖

霜天非不晴。晴亦自淒清。茲夕維舟罷。猶堪出戶行。
水明如夜氣。月暖是冬情。似覺頻頻曉。關鷄凡屢鳴。
○ 將之青州由東昌登陸呈馮羽明年丈

既水復之陸。多寒惟少暄。山川此生事。舟馬數年魂。
清世王人簡。窮途地主尊。從君借風力。六轡始周爰。
○ 經聊城魯連射書處

火牛難再出。嶠虎已垂窮。危矣強弓末。微哉一矢中。

城亡終去殺。將死亦成忠。所以爲排難。非他策士同。

○ 金嶺驛與王帶如年丈夜談

久思今夜話。斯意想同然。屏騎予宜往。攜尊子肯先。
見聞生一別。師友異三年。促膝驚心事。茫茫秉燭前。

○ 沂水道中風

北野樹無枝。風過處不知。衣裳前日盡。舟楫異途疑。
八口水霜外。三冬水陸時。宿遷雖有約。未易遠如期。
○ 沂州王右軍故宅今爲普照寺有洗硯池

其地無右

軍書

江左君家巷。瑯琊復有廬。不聞天下士。定認此中居。
舍宅翻畱蹟。臨池未見書。古人少年筆。晚節自刪除。

○ 彭城入舟後候淺三首

自十一月初七日至二十三日

河水未生處。烟帆仍泊身。一人冬罽築。方響夜蕤賓。
計晚尤官吏。情危聽鬼神。巫言明日雨。聊欲慰吾人。

○ 又

冰腹寒猶解。河身下反高。所爭惟尺水。厥利在千艘。
安整金錢易。篝燈畚鍤勞。舟航今日慮。未暇及風濤。

○ 又

瓢子偏難決。桑田恐易成。道傍朝暮議。舟外喜憂情。有盡薪兼土。無靈壁與牲。運艘猶未過。官舶莫先行。

○過淺 十一月二十五日

寂然舟共水中。夜忽同聲。里鼓不遑報。岸燈無故生。半旬羣策屈。一間萬夫爭。前後終當濟。先人自物情。

○舟泊雲龍山下

羣情仍一寂。舟與水俱寧。兩岸冬惟野。千帆夜共星。鍾聲收廣莫。人語警空冥。喜就佳山泊。重來放鶴亭。

○彭城開船 二十五日

鍾伯敬全集

卷三

二十

泊久舟重發。翻如始入舟。後時偏過望。前路不遑憂。
鴈喜人南去。鷗從我下流。低回獨何繫。未易別黃樓。

○舟至呂梁洪

二十六日

半月徐州住。今朝下此灘。初暘波一分。積氣野無端。
人涉何其便。魚遊似不難。變遷川谷理。天險亦安瀾。

○○

經下邳圯上受書處

未託素交。先呼孺子。以僕役而加國士。若子
弟之應父兄。亦倨亦親。非真非戲。蓋語盡於
授書之後者。淺意藏於受履之先者。深行徑

頓殊機鋒相逗業已道存於目擊豈惟氣折
而心開乃云強忍相從初尚愕然欲歐夫乃
以市中年少之腹而窺圯上英雄之心乎淺
哉太史之言未免文人之見經途感事懷人
賦詩用抒斯衷兼訂昔惑云爾

警蹕秦皇帝溪橋老禿翁奮椎羣力外進履衆人中
智勇皆何往天人有通英雄關運數授受不相同
○○射陽湖

清深流數日俱是射陽湖潮響亂如一漁燈遠不無

寒逾知水月天漸入菰蘆此去邗溝後東南舊日途
時將至揚

○○入江 十二月初九日

所歷皆河海今朝乃見江天淵同積氣風日變寒瀧
魚影真堪數鷗羣不易雙三山雖伯仲意總未相降
金焦比周

○登金山同君佐

兩度遊皆畧猶賢於未看見聞江四面行坐石更端
薄晚風烟亂深冬水府寒妙高臺上月共待亦非難

寓得快人

相見無餘言
之意

○ 郭景純墓 在金山江中

奇人萬古宅不肯不峻嶒以此江中月爲君地下燈
山川因爪髮神鬼守緘騰危石憑誰力飛流未敢崩
○○○北固夜歸

遊遲畏晚天晚際反淒妍好月下山路順風歸浦船
雲濤孤棹外市場半燈邊回首蒼蒼處金焦在亂烟
○ 至金陵過林茂之宅

畜意在相見既來無所爲風波登岸處雨雪到門時
地自一茅宇門多數柳枝細觀此情事昔別若先知

王子茂之別予楚中有明歲
重銜命江南儻路中之句

○雪集茂之館

同胡彭舉吳康虞
王相如黃九洛

白門三度雪皆以待幽人閒理閒門事堪遲見客身
澹然相語默別自有宵晨竹石殘冬裏清寒見遠神

○過胡彭舉

五載未曾到庭中如昔閒所添惟一石何異在深山
懷值秋冬際大來冰雪間自然費幽意永夜不能還
○立春日同商孟和弟居易集子丘茂之宅

十二月十二

不能局三字
可
盤字深加冥
實字更深窮

良辰復佳晤。皆值此寒天。雪與冬終始。春居雨後先。
新詩茶酒內。密意燭燈前。共待梅花霽。歸舟又隔年。
○ 除夕守歲子丘茂之宅時子丘與孟和居易至

自吳門

好住雖君宅。終爲客子身。所欣來遠道。各自有周親。
盡室廬邊夕。明年江上人。秣陵才到曉。便已歷冬春。
○ ○ 元日集鷄鳴寺塔下亭

發春雖一日。萬象不能局。汨汨風烟動。冥冥草樹靈。
餘寒一以素。欲霽自然青。百步城中地。湖山積此亭。

鍾伯敬全集 卷三

二十三

○○○攝山道中

甲寅正月二日同吳康虞商孟和林茂之

出郭心誠暇。俄焉應接分。湖山春格韻。草水畫情文。
半壁深留雪。千林遠共雲。齋鐘不知處。隨意示聲聞。

○○○白鹿泉

半嶺尋源上。寒泉閉戶中。餘飛難作雨。輕吹不關風。
梅影過橋立。苔文與石同。早春流尚細。澗脉未能通。

○ 叠浪巖尋繖山和尚不值遂登山頂

山僧下山去。終亦不離山。客到縣巖半。身如亂水間。
輕裾雲氣共。孤杖澗聲還。歸路君當在。愁君閉竹關。

得憑高遠望之景

○ 天開巖

初不容思議。中天忽削成。寒松通石魄。幽竹覆泉聲。蘿蘚多無緒。冰霜別有情。高深巖洞理。潛玩長靈明。

○ 攝山頂

卽論茲山絕。登茲者亦稀。定須尋磴遍。肯不見江歸。遠色何由正。羣形妙在微。下看巖塔處。來路似皆非。

○ 贈凡公

公年五十六
出家未三年

猶是新披剃。頭顱已颯然。悲歡興願日。五十拜師年。地若曾來後。機縣未到先。遊棲關志氣。相待不無緣。

鍾伯敬全集

卷三

二七四

○ 贈蒼麓老僧

逢君亦不遲。已是再來期。猿鶴曾無怪。巾裾有所疑。
人天中國老。鬚髮外真師。好記今年夕。空山初月時。

○ 攝山歸過靈谷

歸途卽靈谷。同日往非難。客在梅前到。春當雪後看。
澗迴流水遠。野淨夕陽寬。物色晴爭起。深松不肯寒。
○ 舟發金陵畱別諸友

四年中北邸。一月內長干。再見如初至。新知及故歡。
無能憑几席。未免爲衣冠。又問春江楫。垂楊不可看。

○ 湏濡口阻茂之別二首

題詩似別我。我且未之看。莫道同行樂。卽今相送殘。
家無好山水。友有夙交歡。以爾閉門日。往還殊不難。

○ 又

舉家聞欲去。數日不能言。知我獨還里。無君難杜門。
豈茲僅存骨。尚有可銷魂。暫省斯時別。形神且勿煩。

○ 賦得不食夜識金銀氣

少陵此語蓋開道之言。讀者以爲不可解。解則

失之而實有至理。語固有不必解而至理存者。此類是也。知此乃可與言詩。予旣賦此。以通其意。并示友夏及弟叔靜同作焉。

奇光深夜中。志氣若爲通。不覺川原秘。森然星月同。
居心無欲惡。觸物自清空。山鬼窺幽獨。欽茲靜者衷。

○途中新月

馬上路殘處。山中月出初。方將行未至。豈可照無餘。
光作長宵始。消惟新水如。家居人不覺。寒火半屏虛。

○紅葉

蕭蕭猶未落。在樹幸能紅。薄暮初霜進。近山寒燒同。
光輝翻寓殺。幽艷屬成功。秋色兼春事。含情并此中。

○夜觀蒙惠二泉

水從天一生到地二泉并。深夜積秋氣初寒流月明。
幽靈如不隔聲影敢相輕。燈燭散空迴中含風雨情。

○ ○ 羣山萬壑赴荆門

茲爲楚蜀門。喉舌古今存。陵谷於焉始。高低相向奔。
衆靈難自住。三峽爾何尊。也學江流下。滔滔歸一源。

○ ○ 贈劉玄度孝廉爲雷太史同年好友

精神堪警俗。耳目不知喧。就此機鋒裏。窺君靜慧根。
敏皆從好學。中豈厭多言。益見交非泛。吾師卓識存。

○ 磁州雨

詩亦古詩矣

長路惟愁此暑行。殊不然。濕光崖草動。涼信笥衣傳。
蟲亂水烟上。蛙喧風雨先。北方農候晚。物土幸無愆。

○選蔡敬夫詩訖寄示三律

君庸不自知。必待我商之。要以古人眼。深看今日詩。
直期於見道。汗豈至阿私。亦自關吾識。安容苟爾爲。

○又

自處不能恕。於君敢二焉。卽今予所舍。猶使世堪傳。
甲乙何關俗。春秋頗責賢。細觀新舊作。損益有由然。

○又

質直簡至不
減王維間鄉
八詩

去取了無忌。惟君知我誠。匪徒文字理。要自友朋情。
藏亦何妨出。多當不易精。畱茲嚴冷意。事事與相成。

○ 丙辰初春寄張金銘

椒盤壬子歲。寒燠四回新。別後無除夕。筵中少此人。
雪霜頻犯暖。梅柳不知春。負爾非他事。緇衣京洛塵。

○ 又

自君今不至。予罷水邊行。花月何顏色。禽魚寡性情。
乘閒猶有日。選勝頗無名。軟草垂楊路。重來恐漸生。

○ 十二月十九日雪是立春次日

臘去人思暖。如茲亦快哉。寒爲春事始。雪作歲光來。
累日無遺憾。空齋行幾回。不知花五六。一月內誰栽。

○ 又

又雪敢言寒。今年有此難。何知天意在。要取物情安。
野潤全非濕。烟新只似殘。若無沿路餓。也好出門看。

○ 秋夜與茂之閒坐

同君閱搖落。今又在燕山。月與秋俱淺。雲當晚亦閒。
蟲鳴惡可已。鶴警復何關。已是聽觀外。猶然庭戶間。

○ 贈陳荆生

一片秋色躍
然心目

吾子自稱詩人。皆曰畫師。此中深有寄。其意莫能知。筆墨非徒爾。親朋隨所之。古來負絕技。隱德類如斯。

泊九月一日

動止姑從衆。安危未敢言。居人歸有處。旅泊近何門。寒日能紅樹。淒風欲白村。野稀舟幸接。擊析共相存。

風阻蔡村念吳康虞候於前路

九月四日

致子久於待。因子先有期。陰晴非在我。川陸不相知。未覩舟同阻。應嘆到獨遲。若過重九後。更是月明時。

泊驛

葉、滅、秋、無、幾、流、深、月、不、難、沙、星、疎、欲、活、霜、火、濕、爭、殘、
天、水、羣、情、定、禽、魚、積、氣、安、病、身、多、閉、戶、慙、負、此、光、寒、

○ 九月十一日喜康虞入舟

雖、有、事、前、約、堪、同、意、外、逢、友、朋、相、聚、首、舟、楫、最、從、容、
途、既、經、齊、甸、遊、當、了、岱、宗、生、年、來、幾、度、如、此、一、秋、冬、

○ 自仙人橋觀於舍身崖

不、獨、高、深、理、河、山、之、所、盤、爾、時、諸、嶺、末、如、在、二、流、端、
日、月、來、當、早、烟、霜、上、亦、難、片、光、誰、漏、泄、元、氣、此、中、看、

○ 岱歸後示泰安州守候君

岱宗固常在。主者待其人。覩爾神情異。證予聞見真。歸堪言所獲。傳不患無因。一片古今意。相煩致嶽神。

○十一月初二日雨

冬連秋只霽。霜力不能寒。一晦非無謂。新霑反似殘。河聲胡損益。雪事轉艱難。且愛蒼蒼外。烟林相與寬。

○十一月晦夜初雪過潘稚恭江閣

入江初見雪。近臘乃知寒。以我爲情久。過君及夜闌。光才依水白。力不待風殘。值此夕之晦。聊同片月看。

○正月初二日大雪同王永啟林茂之集雨花臺

是歲元日立春

雪既負花名。非時諒不榮。恰逢春次日。用紀歲王正。期過偏能暢。光深如欲晴。誤驚梅放遍。先往近郊行。

○ 靈谷寺看梅

正月二十八日同王永啓林茂之

好春無一日。花事有難言。至此始成朶。從前宜閉門。雪霜非在地。香色欲爲村。不盡關新霽。精神寒亦存。

○ 看梅送何玉長入楚

今年梅後期。君去及花時。鄉信正煩寄。行舟莫又遲。春風柔有待。江水緩相宜。計聽樓邊笛。還當存幾枝。

○長生館詩

有引

佛家戒殺。厥念惟悲。儒者好生。其原在樂。然
不引之樂。處於以預達其生機。卽徒發乎悲
心。何能逆折其生趣。長生館者。湖惟玄武山。
則蔣陵焦漪園先生。倡衆置館於其中焉。每
於月之八日。與客遊棲。聽僧禮誦。漁獵何曾
厲禁。不過寄意於湖山天淵。共觸慈心。業已
移情於魚鳥。聞荷香而斷罟。蔭樹影以投弓。
事不相蒙。緣有交湊。惺幸與茲會。喜而爲詩。

說出獵較之神化

亦孤遠

許字妙無情

鍾作奇全集八

湖山於此積魚鳥欲成圍。是物皆生趣。何人無善機。來惟言眺詠。久乃共歸依。頗悟因緣事。其中導引微。

○十月十三夜步月

同胡彭舉許無念林子丘茂之

別自爲清夜。非惟晴使然。與秋同一靜。未望欲先圓。積氣歸孤月。深光作遠天。此時無不息。閒者反遲眠。

○十月二十日往花山雨宿途中

同吳康虞林茂之

有約愧頻止。猶賢竟不行。冬方云久霽。月許到深更。風雨臨時事。江山一歲情。從來遊者理。貴勿預期程。

○又

是慶幸得靜
伯故雨亦不
情

屢失清和日。因言雨亦佳。良辰猶可待。靜侶最難偕。
有此秋冬感。彌深遊止懷。安知山澤候。妙不在陰靈。

○ 寓白門寄朱叔熙比部

此地去君近。彌令消息難。始知思往日。却悔別長安。
與步情辭接。圖書職務寬。天涯良友聚。未免藉爲官。
○ 夜過胡彭舉

良夜卽相過。况今將盡年。冬晴非可必。月好莫徒然。
杖履人眠後。琴尊客到先。看君安性命。一石嬾如前。
○○ 范漫翁復自東郊移至城居故處

而成壯老感亦因之。睠焉興念。勉爾爲歡。里
寡新聲入耳。就絳紗名部之音。地無勝迹。娛
心發金谷故園之想。積數十年之緒。以永今
宵。合幾千里之人。而同明月如茲。三五可作
尋常。履簪雄選。高人自領孤情。絲肉喧闐。靜
者能通妙理。各稱詩以言志。用體物而書時。
講席兼陳樂。年年此願慳。自携供帳遠。暫寄客亭閒。
月靜星辰內。秋深烟水間。從公無小大。皆不自言還。

○

又

何其格也

負同斯

雪期爭一夕。要以臘爲功。幸不過春後。非專報歲終。
新茶泉脉至。宿麥土膏通。無限天人事。災祥在此中。

○ 元日雪過康虞彭舉茂之不值

誰不憐新雪。能無各往看。以予到門早。知爾在家難。
天地何其近。風烟但一寬。晤時矜所得。肯道向來寒。

○ 雨後靈谷看梅花

同康虞漫翁子丘茂之
袁公寥在二月初八日

花時同所惜。各有看花情。念我三年客。於茲兩度行。
孤心多在雨。衆意但言晴。水雪成香國。知從何樹生。

○ 又

殘客誠爲累。離羣亦寡歡。寂喧無可出。去住已更端。豈必謀皆是。姑從意所安。琴書能戀主。不道屢遷難。

○ 又

總不離郊郭。回環得故棲。隣皆無改井。樹未暇成蹊。畫每私良友。齋常聽逸妻。存茲人外意。動定理應齊。

○ 臘月二十三日伯倫招集木末亭

是時能共到。可不謂閒人。候雪翻愁霽。探梅似貴春。烟高江欲動。風遠樹初勻。遊事年周始。亭臺識此身。

○ 除夕喜雪

雅

序
悲慨過蘭亭

○ 秋海棠

○ 墻壁固吾分。烟霜亦是恩。光輕偏到蒂。命薄幸餘根。
○ 笑泣誰能喻。榮衰不敢論。年年秋色下。幽獨自相存。

○ 喜鄒彥吉先生至白門。惺以八月十五夜要同

李本寧先生及諸詞人集俞園

并序

○ 以此清秋於焉嘉客。白露蒼葭。新染芰荷衣。
○ 上歌童舞豎。半攜書畫。船中愧時一相思。惟
○ 小子之戒行太晚。雖禮無往教。在先生之乘
○ 興何妨。以賓主而易師生懷斯盡矣。由合離

曰爲梅花至。松陰先看山。此懷難以喻。其事自相關。
共在香光內。分行澗壑間。却思人散後。寒月守潺湲。

○二月二十四日雪後沈宗伯招集高座寺

同許伯倫

胡仲修

一雪送寒梅。梅殘無可摧。似將花五出。移向樹重開。
風物均調事。江山眺詠才。新晴春欲始。日日好亭臺。

○夏梅 和董崇相

花葉不相見。代爲終歲榮。誰能將素質。還以敵朱明。
坐卧已無暑。色香如尚清。始知幽艷物。不獨雪霜情。

時各有宜

中秋時地有。今夕主賓稀。歌舞原非借。林亭只似歸。
浮涼池鳥醉。空影砌蟲依。頗悟歡場裏。高人有靜機。

○又

夜與水相得。秋惟月最親。留都清絕地。祭酒老成人。
道廣周旋恕。情深領察真。典刑欽在坐。游謔荷陶甄。

○送商孟和秋試後歸閩

數千里就試。却向榜前歸。率爾爲來去。看君無是非。
江花揖酒近。隄柳泊舟稀。不敢便言別。回帆紅葉飛。

○杪秋宿牛首次日歷祖堂獻花巖

鍾伯敬全集

卷三

三十四

閒隨新霽出風日到牛頭松作山中夜月留泉上秋
心魂凡屢止人我幸同幽引客栖尋熟予今是後遊

○○又

比隣十里分
共明月添幽
矣且照應上
又復以山遊

山光領其一又復及他岑回首雲烟變彌增丘壑深
昨宵有明月必照此疎林一片藤蘿石弘慈古佛心

次日寫舉工
主

○早冬遊攝山

每來生節物又值早冬時澗石峯巒具巖花冰雪爲
空林行有得靜夜坐方知一宿聽晴雨皆於遊事宜

○○又

尋常語意
其口自佳

地○非○難○一○往○客○未○易○同○遊○每○以○須○良○友○因○之○失○好○秋○
山○寒○晴○不○重○林○氣○月○彌○幽○慙○負○歸○常○早○頗○來○當○久○留○
臘○月○十○五○葛○震○父○要○集○王○孫○山○居○
頗○怪○知○幽○徑○今○年○到○已○三○竹○寒○猶○可○借○梅○早○不○須○探○
雪○月○時○皆○是○冬○春○情○未○堪○半○窓○人○事○後○燈○火○照○深○談○

○○○春事

春○事○盡○於○雨○遊○期○多○在○天○聲○香○能○幾○日○花○柳○已○今○年○
塵○務○况○居○半○勝○情○寧○得○全○我○生○將○五○十○所○感○有○由○然○
○仲○春○程○仲○秩○要○汎○赤○石○磯○

同王承獻王太古
彦倫林子丘茂之

城中今可汎。君愛出城間。春物公澗外。烟光動止間。
逢花頻步岸。返棹亦看山。共計陰晴日。各憐遊事艱。

○ 雨中柬茂之病

不出畏佳日。却云風雨宜。君雖私藥物。衆亦負花時。
卧只如高士。愁偏及靜思。留春應有待。清霽故遲遲。

○ 問茂之病

君病年年事。尋常漸不憂。神明安可恃。朋友代相謀。
藥價貧偏貴。花時好未酬。因思南郭外。不易是同遊。

○ 又代秦淮五日賦得投詩贈汨羅

是君臨命日。不敢賦牢愁。緩舞迎神保。新聲託蹇修。
淮流何澹澹。湘水共悠悠。似見來酬答。風生杜若洲。

○ 在白門喜譚友夏至相見有詩感答其意

勿曰生同地。相離卽異鄉。六年人倏忽。千里意尋常。
述作交爲慰。聲華不敢當。清淮明月下。暇豫荷恩光。

○ 出通濟門訪郭聖僕與友夏同往

不告君幽處。到來心始遐。未離城以外。相導水之涯。
妾僕道人侶。敦彞貧士家。清齋微識却。坐久進茶瓜。
○ 過王永啟小閣同友夏時永啟病後

新異

語有生

非自登斯閣。今朝懷共開。鶯花當病起。風日有朋來。
如入城中舫。兼臨江上臺。佳情原未廢。戶內可徘徊。
○和友夏拜客觸暑就茂之舍休焉忽伯敬亦至

之作

君能嘲熱客。自出果何心。難免逢迎事。彌慙剝啄吟。
望廬圖一憩。解屨見同尋。況得主人靜。閒言生夕陰。

○月夜王太古要泛秦淮同友夏

盛饌煩高士。幽懷就好天。舟移山色內。燈起浦歌先。
月冷因三夏。河深在衆烟。各無言路晚。賓主一橋邊。

○送五弟快還楚迎家尊赴吳中教職

數往慙吾弟。微官累老親。公私言浩蕩。俯仰事酸辛。壯齒輕諸役。全家就一貧。孤舟兼孝友。勉矣服勞人。

○歸舟月上

欲雨偏生月。熊熊日出初。秋移三夏裏。涼借一光餘。待爾歸常晚。驚人見似疎。捨舟情事始。竟夕有盈虛。

○送王永啟歸省兼示董崇相

已俱忘是客。先別我還闔。直倘能存道。貧今可見親。非無逢世術。難作負心人。有友知君孝。全歸不失身。

○ 沈雨若自常熟過訪九月七日要集敝止有虞

山看紅葉之約

時喜得錢受之書

見君疑舊識。不必故人書。所念久離別。欣聞送起居。
朋來鴻鴈後。雨止菊花初。得問虞山樹。寒紅三月如。

○ 至毘陵訪鄒臣虎年丈

此行雖定省。過訪約先時。門徑欽孤性。圖書寄獨知。
親能安善養。友不至阿私。抗疏言方中。彌深感事悲。

○ 贈鄒太公臣虎尊人

以子識其父。於翁殊不然。在家羞教誨。去國幸歸全。

一命心忘却。三牲世有焉。未知忠孝事。論定果誰堅。

○ 譚友夏自越歸晤別於錫山

衣邊秋未去。霜氣自湖陰。凡子吟能及。皆予夢所尋。分風來往路。計日聚離心。各指梁溪水。寒烟共一深。

○ 訪王德操居士曾晤於鄒彥吉先生莊居

以爾知音者。猶存入外踪。溪聲當薄暮。門徑似深冬。

雙檜自今識。孤舟非乍逢。讓鄉前夜語。有約許相從。

○ 汎吳興碧浪湖夾山草蕩漾

韓求仲具舟同林茂之夏長卿諸子

賦

衆妙從流去。層巒著處生。入天湖有漸。浮地漾何輕。
蘆渚如秋夜。桑村在晚晴。一舟空曲後。寒火落分明。

○ 又

湖山深更深。導引主人心。以爾能無倦。同予得再尋。
烟寬鷗失侶。天靜鴈留音。往返虛靈內。形神有所欽。

○ 又

林巒同作水。風日不離烟。清照難留物。寒遊頗用天。
飛潛終日竟。心目一隅全。返棹憐閒石。水霜影默然。

○ 舟泊吳江步尋周安期安仁

雨語已沾具
脉

停舟非夙約。信步卽君家。沿岸携初月。登庭及暮鴉。燭燈如有待。蔬茗自無加。也說明朝去。晨星在戶斜。

○ 婁東訪尹惺麓先生

進退稱維谷。人皆怪一官。機緣無此妙。遊訪得相寬。建業天初霽。婁江月未寒。三冬來往路。風日最爲難。

○ 又

卽論金陵別。于今歲又除。苦人多聚散。銷得幾居諸。約在歸衙後。來當退食初。一燈師友話。壯老十年餘。

○ 又

無友無家者。因官寄白門。時情多可慮。客意自難言。
文武公爲憲。安危國有藩。放情圖史外。樂事拜餘恩。
○○弇國憶贈王元美先生四首

道廣無邊幅。爲園亦復然。一鄉千里近。萬卷百城專。
稍冷簪裾地。彌高木石年。徘徊尋履迹。緩步惜寒烟。

○又

天生人與地。用貴稱其宜。文獻非俱乏。刪修或可爲。
有詩滋異議。無史答明時。賴此千秋後。猶存未竟思。

○又

文章姑無論。交道達神明。至性能風世。餘因不愧名。
死生千里路。七十兩番行。竹徑留遺迹。堪思命駕情。

○
又

承響誠無怪。皈心亦有因。吾聞公長者。衆謂世文人。
大度推揚急。虛懷吐握真。茲園如散處。四海少孤貧。

○ 贈徐元晦

雖復未相見。十年知有君。端居偏致客。任俠況能文。
難與今人道。嘗聞我友云。昨逢賢訪使。首問爾殷殷。

○ 又題畫蘭

日日弄香色。靈明爪指生。近來添竹石。益以助幽貞。
熟後翻新譜。閒中換妙情。讀書諸務輟。筆墨亦輸卿。

○○○ 贈程彥之

歲歲君如此。相憐何日休。置身時地少。失職友朋羞。
窮○豈○皆○詩○罪○饑○仍○爲○醉○謀○贈○錢○聊○儉○用○前○路○不○堪○遊○

惜 一段深憐厚

○ 過文文起孝廉葯圃賦贈

君與啟美爲徵仲先生曾孫

賢者後如此。何如親炙情。况非資祖德。自不愧時名。
一語足文獻。二園難弟兄。扁舟吳越路。似復爲君生。

○○虎丘贈別徐元歎

出城不言送。猶只作閒行。寒月虎丘路。孤燈明夜情。

真文關世運。幽賞畧時名。吾子尚良食。前途勿自輕。

○○○毘陵雪夜別茂之還金陵

出在三秋末。歸當再雪餘。一寒分去住。明日念舟車。

此別時無幾。相逢歲又初。中途情事異。聯步有離居。